

百一山房詩集

百一山房詩集卷三目錄

殘冬書感

輓沈天門四首 并序

鬻兒謠

除日感懷

蒼林都門回里奉懷一首

段村探梅十絕

寓感

呈講席

示諸同研

卽席送別表弟姚人如

詠古拙庵紅白梅二株

同芳谷花下聯句

古意贈蒼林

得蔡衛淇粵東書却寄

秋闈半莊師名在乙榜詩以奉解二首

接師和章怨而不怒再疊前韻二首

秋日新霽浴溪步至羊嫁橋小憩

迎

鑾詞六章

階前雜蒔花竹朗汀以山石見貽作此奉酬

梅天閑惠石書謝

再惠石峯奉答

從鄰家攫一羊肚石置案頭盆池中贈之以詩  
芳谷欲以石方池見贈道遠不得致悵然有作

朗汀書來復許惠三石却寄

鄉人以頑石至平頭欲擲棄口占諭之

伯兄履瀛贈一石係先嚴所蓄感賦並呈仲兄敘  
天

謝友人贈石詩半莊師題詞其後次韻奉謝

杜門枯坐酬程端民過訪

次蒼林見懷韻

同朗汀芳谷端民游龍溪

湖上遙瞻

法駕是夜并觀烟火燈船諸盛恭紀

觀虎行

湖上聽琴客彈陽關三疊憶衛淇

江干何耕仙見顧書贈

半莊師移館小園作此奉呈並示芥船

過小園水閣閒話疊前韻

閏重五前二日寄懷曹研夫先生并謝所贈詞次  
半莊師韻

竹醉日作和天閑

蒼林以詩詞寄示奉答

題曹玉汝扇頭畫

輓日輝山釋明柱

并序

半莊師用少陵游何將軍林亭韻爲小園雜詠奉  
和六首

慰廣野病腕八韻

苦熱寄芥船次半莊師韻

小園雅集半莊師有書招飲阻雨不赴倒押前韻  
徐學韓招飲垂裕堂呈半莊師再疊前韻

同學數子獲雋釀飲館樓次半莊師韻四首

查巖門以詩見投次韻奉答

輓居停主人徐鶴亭

秋日憶衛淇遊粵未歸

書陳竹貌詩詞行卷後

逐貓

歲晚懷巖門

百一山房詩集卷三目錄

百一山房詩集卷三

仁和 孫士毅 補山

殘冬書感

乾坤蕭瑟歲崢嶸萬籟齊吹總不平青鏡頻看成一慟  
梧桐半死竹孤生

輓沈天門四首 并叙

嗟乎幽恨纏綿學海多成恨谷牢愁颯沓吟窓盡是愁  
城念痛癢之相關感死生之亦大况乎名齊北郭側聞  
冰雪之操集載西泠共識衣冠之後如天門沈先生者  
柳絮清詞屯田絕唱廣陵逸調中散工彈酒國傲螟蛉



一杯作達詩壇張鵝鶴五字難攻加之至性無虧蓼莪  
時輟久要弗替金石同堅泊乎受室以還大有傷心之  
處雙飛蚤隔啖雁單棲比目中分鰥魚獨旦矧長簞空  
陳之日正遺珠在抱之時覓五夜之棗梨常投枕畔理  
三年之襁褓半污懷中斯已難能更多足迷倘膠絃不  
續徒悲錦瑟塵昏而霜霰長零忍看荆枝葉落祗同枯  
寂詎可揄揚抑或家本素封貲還饒裕縱義形於手足  
亦事等於尋常而先生則老屋數間并慚元亮薄田半  
頃尚遜文通猶復姜被同翻鄭厨分給窓櫺踈朗無殊  
叔則恭兄冠幘謹嚴不數文淵奉嫂賣得壺中之藥供

爾饗殮織來燈下之簾資其婚嫁人倫模範世俗箴規  
何圖德可蒙休天偏爽報長君瘠渴憔悴相如季子嘔  
心吁嗟長吉從此酒旗歌扇不題行樂之章夕火辰星  
忽作猶來之想灑斑斑之老淚賦慘慘之新聲胸有千  
絲無方理亂膏藏二豎何術驅魔漸至彌留遂成淹忽  
歸丘未卜難同表墓之謝郎喪事誰營雅賴談詩之王  
子雉朝飛去神依破卵之巢烏夜啼來腸斷將雛之母  
能無痛哭休道清狂僕本恨人君真逸老停籬邊之酒  
酸瘦盡黃花泣枝上之鵑魂埋成碧血孰銘有道應待  
中郎虛館清陰莫醒秋風之夢

用沈約

向重城日暮空懷寒

食之詩感逝據哀雜陳款歎云爾

仙馭頻催怨玉簫一棺蓋後事難料寸心知似嚴陰結  
火熾紅爐雪未消

玉樹凋殘恨未平吳天星又犯先生從今水閣留題處

滿眼鶯花總淚傾歲丙寅同廣野過先生水閣得句有云三月鶯啼春思亂一溪花落晚風

顛茶因有客磨鐺煮槩是無絃鎮日懸謬荷激賞

一闋清詞酒一壺酒卮乾後向天呼竹貞琴韻遺編在  
舉世誰憐承吉孤

五夜芳魂啼杜宇一生幽恨訴梅花傷心到此吾無語  
雨冷燈昏手暗叉

鬻兒謠

野老鬻兒纔齧齒皮骨僅存顏色死得錢敢論價低昂  
願託君家喫湯水幼女嬌癡膝上啼牽衣覓母聲慘悽  
笑爾提抱誠無謂何不留傍阿母棲野老聞言淚如雨  
爲訴朝來別離苦兒未出門母斷腸潛向荒厨服鹽鹵  
兒號驚救鄰家孃哽咽嘔出連糝糠窮人事事關生死  
變起斯須那可防淹淹委頓餘殘息幼女呱呱需乳亟  
攜來待棄溝中流骨肉恩情拋不得嗚呼與爾無著是  
天親賑困無力空酸辛發倉倘假長孺節破涕一笑天  
迴春

除日感懷

款門杜老乞春聯光景回頭一惘然井竈從人分半宅  
方萬里有典半宅詩妻孥憐我逼中年時看野馬空成幻不食蟬  
魚豈得仙底事夢回餘痛哭松楸還未辦新阡

蒼林都門回里奉懷一首

歸去五噫已罷哦玉堂景物近如何君思歸省辭苞棘  
我媿偷生負蓼莪我學道未經三吐易譚禪新證六波羅  
淋浪急雨消殘雪可有溪前小艇過

附半莊師和作

春寒十日罷唵哦天遣多情喚奈何殢雨晚開上苑

杏乘風暗長大陵我雄心直欲捫霄漢麗語無因到

綺羅

近見填詞  
多作禪語

勉爾同羣留冀北不愁伯樂不經過

附蒼林和作

落手新箋擁鼻哦唵窓久不接羊何非材自笑同園  
櫟至性人應廢蓼我量佛增高投竹杖求醫却病別  
菴羅與君便作逃禪想海濶難尋熟路過

探段村梅十絕

寓感

雨滌輕塵徑乍乾一尊清話雜悲歡花前莫怪長垂首  
春色三分却怕看

樹頭應未惱花魂袖底無端印酒痕清瘦一株斜照水  
人間也復有孤根

呈講席

好花爲我惜冰霜薄日籠枝出細香回憶幾番陪杖履  
只除此度不成狂

未許蘇村壓段村當年唸冊試重論觴行忽又傳高唱  
吹得春風滿座溫

示諸同研

一片斜陽簇酒徒興酣脫帽解衣呼嗤余負手花陰立  
也覺天然入畫圖

嘔啞花外艣聲柔撥起歸思尚小留今夜阿誰和月睡  
冷香吹夢到羅浮

即席送別表弟姚人如

胸有元珠未覺貧樽前無那起離塵南枝好當垂楊折  
贈爾薄游冰雪人

竹一灣頭薄暮雲

蒼林留竹溪

語兒溪上綠波紋

勞弁章返石門少

游欸段歸鄉里

琴宇歸翹思

酒冷香清更送君

詠古拙菴紅白梅二株

妙香如是我來聞疑看梨花夢裏雲猶有艷情消未得

縞衣底襯碧羅裙

花雪瓣綠跗



斜紅暈臉十分春，惡客頻來示薄嗔。  
怪爾三生修已到，不將明月證前身。

同芳谷花下聯句

細細香浮淺淺杯，亞枝冷傍竹籬開。  
芳谷勝他三月蘇

村路白白紅紅錦，作堆補山

古幹離披又屈蟠，醉來只作玉龍看。  
芳谷從教喚起花

光老劈破生綃畫，亦難補山

古意贈蒼林

瓊裾眇何許，飄飄凌紫氛。  
朝游三神山，向夕跨九垓。  
俯視但條獻，奚止隔兩塵。  
御風或過我，沆瀣幸見分。  
恨無

青霞佩持以贈夫君

得蔡衛淇粵東書却寄

浦口長條記共攀，殷紅箋好遞沙灣。  
男兒只許同南八，俗士何須誚北山。  
寄食昔曾彈劍鋏，當歌今欲唱刀環。  
盤游骨董多風味，却恐歸來語帶蠻。

秋闈半莊師名在乙榜詩以奉解二首

鶚羽秋高健欲冲，五經盛事仰門風。

令祖荊州公以五經魁京兆爲國

朝五經取士之始

謾嫌花樣翻新樣，還喜天公存至公。  
行董幾

人能抗手文章到此合稱雄，誰知博浪椎輕擲太息聲。  
聲萬口同

賢書讀罷幾凝思  
裙屐而今又一時  
響發朱絃無俗韻  
花開老樹見竒姿  
十千酒好愁難破  
同人設酒巵  
為師釋悶  
九萬程遙到畧遲  
自是文衡能將將  
却教後勁壯全師

附  
和作

往事難平髮上冲  
只今判作馬牛風  
輸他般若成諸佛  
笑我瞠然是一公  
浮世升沉關福命  
當場得失定英雄  
明珠論斛增時價  
魚目懸來那可同  
文人慧業匪夷思  
西抹東塗詎入時  
晚歲江淹無彩藻  
當年張緒有丰姿  
自嫌生性由來癖  
誰料成名爾許遲  
為衆人師且不敢  
風流吾子敢稱師

接師和章怨而不怒再疊前韻二首

直是持盈意轉冲好詩容我坐春風齊盟舊日長爲主  
衆望何人不屬公豪氣元龍仍跌宕史才司馬本沉雄

去夏著有咏史詩百六十首

即從得失論懷抱笑問當場同不同

吮墨含毫乙乙思我行我法肯投時獨憐汲古垂修綆  
反遜搔頭弄好姿展卷無憂五色眯服官應恨十年遲  
魚龍行盡真遊戲不解人間有偃師

秋日新霽沿溪步至羊嫁橋小憩

壞橋泥滑一凭欄大好溪山雨後看不是偏耽秋氣味  
要令詩境入荒寒

蕭蕭落葉打秋灣  
新霽涼雲斷續還  
一幅郭河陽粉本  
是誰偷挂夕陽間

迎

鑿詞六章

六龍徐導九重城  
襲襲風移寶扇輕  
上苑鶯花攀不住  
鳴鳩聲裏督春耕

辰旂甲帳辟春寒  
宛轉山河勢鬱蟠  
解得吾皇繩武意  
省方原不效封乾

雲靄離宮護冕旒  
子來民氣動訶謳

君王更惜東南力  
不許湖山別起樓

有詔傳  
止興作

墨瀋淋漓若有神一時橐筆媿儒臣  
祇今唱徧江南北

裊裊東風潑面春

御製巡江南句

風不鳴條水不波花香日麗

翠華過遙知警蹕傳呼後柳外千官響玉珂

湖上晴光竦

玉鑣錦鱗潑潑碧波跳九天化澤無私被燕舞鶯歌徧  
六橋

堦前雜蒔花竹朗汀以山石見貽作此奉酬

窮居兀兀鴉盤巢紅紫怕逐東西郊  
奚僮入市逢花擔攜來十本春容驕  
屈曲香根箬裏裹連蜷老幹蒲包包

位置何必求妥帖只取生意塔前饒大似摩詰信手畫

雪裏亦可添芭蕉雙髻道人

朗汀別字

辱過訪墻陰隙地看

週遭謂余此間宜疊石作勢要使齊嶮嶮歸去覓得當  
見贈斯言息壤同堅牢別後相思凡幾度臨溪兩板聲  
頻敲主人倒屣出迎客稜稜山骨羅堂坳偃仰怪狀如  
蹲虎谿訝幽洞疑潛蛟到公奇礪何磊砢遜叔平遠殊  
妖嬈更訝溜穿與虫蛙尖風陡觸鳴山魃從頭次第排  
甲乙摩挲入手誰敢拋如君始足當吾拜金石不媿平  
生交側聞受賜例有報家無長物心中愧還承嘉惠遠  
相致令我一解從前嘲

梅天閑惠石書謝

怪底膏肓疾已成也知賦性本硜硜頻邀好友他山助  
不受高人朽索驚朽索懸石壺公試費長房事笑我整衣伸一拜遲  
君賞月印三生沉思雅意還珍重敢道狂歌當報瓊

再惠石峯奉答

何物能消魄磊胸堦前唵倚翠芙蓉只今此事真僥倖  
一首詩成博一峯

從鄰家攫一羊肚石置案頭盆池中贈之以詩

曾值僂翁叱何須博士譁狹腸盤上下細肋帶泥沙肋細  
柔毛飽卧蟾背差堪擬蠶窩未足誇雕籠多棄汝且復  
沙山谷句



貯清窪

是石小者多  
安畫眉籠內

芳谷欲以石方池見贈道遠不得致悵然有作  
硨磲房山石中田立欲僵可堪同此恨況少百夫將  
嘉惠慚虛荷知君不我欺昨宵星月爛辜負一枰棋

朗汀書來復許惠三石却寄

聞道峻嶒閣淺沙故人書到飯頻加五丁斧鑿休輕試  
爲我根尋石押衙

米顛袖裏最玲瓏坡老仇池較更工那抵鄰郎三石好  
攜來肘後作屏風

鄉人以頑石至平頭欲擲棄口占諭之

獐劣真難礪齒牙安排無地漫紛拏豆棚大好支雙腳  
閒聽溪南閣閣蛙

伯兄履瀛贈一石係先嚴所蓄感賦並呈仲兄  
叙天

晨光露喜微雨絲灑清絕沿堦草木敷藉以對幽默俄  
聞剝啄聲呼僮落戶植急足嘔而喘一拳頗削劣阿兄  
傳語來割愛療汝癖我亦歡喜生掬泉徐拂拭諦視動  
盱眙憤恨心轉盡憶昔爲兒時頭齒慚蓬齷茲石日摩  
弄碧蘚恣爬剔不于跂脚上嬉戲時僵踣嚴君或見訶  
畏杖恒走匿跳丸捷於駛彈指星霜易學殖漸頽落面

目亦驚黑菲材遭世棄拋撇同瓠  
前年罹變故陰霾  
天地仄百物多茫昧  
黠奴輒敢弋  
遺故後家藏舊物  
為奴輩竊去殆盡  
覩此恍隔世手澤還能識  
窮家重挈瓶竊擬平泉石  
豪奪與巧偷防之戒累葉作歌當紀事  
短絃殊促亟書以呈  
兩兄悲來填胸臆

謝友人贈石詩半莊師題詞其後次韻奉謝

齊紈敢道製新篇  
學得菱歌不值錢  
多謝鏡臺懸朗照  
肯教辛苦去磨磚  
磨磚成鏡  
古德語

小築欣無熱客經  
墻陰列數峯  
青風流墨妙  
吾難繼

擬乞新題拜石亭

原詩有并入孫家墨妙亭之句

杜門枯坐酬程端民過訪

幾回離席復逡巡珍重襟衫怕惹塵  
隔浦牽絲春惜別春來同學數  
子相繼別去踈燈響雨夜留賓  
入時骀隲吾成癖使酒淋漓爾最真  
從此敝廬欣有託張南周北是芳隣

次蒼林見懷韻

滾滾狂瀾障使東當年懷抱與君同  
讀書肯自求還往撫言謂士人  
標榜爲還往入世隨人號介通  
乍喜清詞譜窈窕更煩好句唱瓏瓏  
扁舟倘踐新涼約一榻橫安草閣中

附原作

墨妙亭高梅渡東多情莘老趣還同  
名壇傳翼隨風

遠心坎生花觸境通排闥客知非襪襪對山人愛小

玲瓏

君愛石自  
登小飛來

離思并入唵筒寄耐久交成聚散中

同朗汀芳谷端民游龍溪

蠟屐攜佳客紆迴到草亭萬山森衆綠獨樹裊孤青磴  
仄苔衣滑潭陰水氣腥茶煙禪榻漾歸思落前汀

附端民同作

靈境何年闢溪山罨畫中妙香凝古鼎梵響度疎鐘  
僧老工研句

竹賢上人  
出示詩卷

人間好倚松楞巖壇尚在擬

去事生公

湖上遙瞻

法駕是夜并觀烟火燈船諸盛恭紀

雨露春濃草木知經過多作紀

恩詩兩湖好景當三月千載人逢此一時金鳳揚翎騰  
碧燼火龍銜尾浴丹池波光不夜

天顏喜親向

慈寧捧玉卮

觀虎行

清晨挈伴遊虎坊二虎黃質間黑章木欄拘縶同桁楊  
目中見虎如見羊麋鹿呼類嬉其旁遶來麋麋無蒼黃  
虎乎虎乎爾牙是鋸爪是鋼咆哮陡起裂山岡狐狸羆

貉猩猩麀聞之辟易走且僵笑爾猛氣多銷亡竟使么

膺羣醜此日恣跳梁虎乃仰首睛搖光斑爛毛骨森開

張似言屈伸有數難爭競居良切君詞秬見不自量試看

達官意氣何軒昂出則騶從列兩行高牙大纛隨風翔

頤指所及千夫忙啞啞叱咤那可當丈夫得志理則常

而君席帽短褐趨踉蹌名氏不越井與鄉豐歲食粟饑

饜糠權竒骨相空羸尪逢人不敢校短長嘲罵一任狂

童狂君材自謂超羣雄胡匡切胡乃如馬垂鞵牛服箱日

者

鑿輿勤省方虞人備物供圍場高設打棧低掘坑居郎切

余亦羅致來窮荒

天子仁愛邁武湯網開四面不被劊虞人居奇重周防

豢養深媿糜官糧榛芴舊穴時迴腸長號無路排天閭

與君同有不平鳴

謨郎切

底用喋喋相謗傷我推斯意淚

淋浪從今生計須早更

居郎切

虎乎虎乎我當騰蹕爾潛

藏

湖上聽琴客彈陽關三疊憶衛淇

湖濱侵曉山水碧嬉春小立春風陌竹扉香篆嫋冰絃  
好手詢是吳閭客耳根泠泠天籟鳴一洗箏笛琵琶笙  
清徵字裏依稀辨三疊陽關第一聲槭槭鈎挑音漸變



晴空慘澹飛霜霰離筵歡笑總非真纔說江關涕流面  
須臾丁當十指催雲霾三峽哀猿哀行人欲發不忍發  
疋驢在側還銜杯忽然一落尤悽緊深卮此際爲君盡  
八口累君君莫辭壯夫臨別傾肝腎勸客苦調弗復彈  
故人何處羈征鞍人生即事有感慨歸棹斜陽淚未乾

江干何耕僊見顧書贈

詩人自昔數陰何不信高才寄薜蘿雨後欵門分半席  
杖前進食媿三訶舊家風味君無忝新樣梳粧世儘多  
正是春歸愁絕處可堪紅豆記清歌

半莊師移館小園作此奉呈並示芥船

灼爍晴雲走火牛名園水榭抵瀛洲遠山斜日留衣桁  
曲沼新荷隱釣釣客到講堂書幌靜風迴小院鳥聲幽  
祇餘一事成惺悵韋氏談經幔已收

圍爲芥船祖母曹別業去年秋下世

附半莊師和作

滿架殘書空汗牛芙蓉塘外是芳洲涼生蘋末風三  
面影落潭中月一鉤茅屋竹林同此趣江村夏日總  
然幽桐花漠漠關關鳥元白詩情望裏收

時桐花盛開故用長

慶集  
中語

附芥船和作

未許人間呼馬牛瀟疎野趣冷滄洲花開猶記張羅

二言十三  
一四  
幙簾捲還疑挂玉鈎門館特因長者設林塘豈爲主人幽風前怕讀陳情表一掬淒涼淚乍收

過小園水閣閒話疊前韻

墅西一角寄蝸牛好境時尋謝朓洲雲氣乍開迴雨脚  
縠紋忽起蕩簾鉤衝煙鶴去茶初熟照讀螢來閣轉幽  
聞道秋醅容客醉葡萄漿要帶霜收

閣前葡萄垂子甚繁

閨重五前二日寄懷曹研夫先生并謝所贈詞  
次半莊師韻

絕妙新詞費苦吟憑將逸氣佐清心編年有集還添閨  
計日懷人却在參

仲夏日在參

公向露盤和玉屑我從繡譜

覓金針交情再世同休戚喜看桐孫長綠陰

前幾日文孫玉汝見

過

竹醉日作和天閑

離離踈影蔽日攔貧家賸有青琅玕午風撲簌戛枝響  
唵肩忽聳雙眉攢都官清才本苦硬欸門示我竹醉咏  
我詩未竟讀君詩色秀真如雨洗淨爲言此日箕箒迷  
是日又名竹迷栽竹多活渭川千本好分攜兒童種罷拍手賀來年  
新竹定成蹊我聞斯言一嘆息正似人生重離別醉中  
分袂無摧傷明朝終覺愁孤寂須臾客去還欠伸北窓  
兀坐同飲醇漫將沉酒嘲伶籍竹林原是獨醒人

蒼林以詩詞寄示奉答

偏處憚強隣，敝邑寔褊小。戎馬時壓境，羸兵敢輕挑。甘  
為城下盟，怕建軍中旆。憶昔子北征，予懷殊渺渺。舉網  
得河鱗，開緘輒傾倒。洋洋數百言，瞪視目幾眇。往在都下以長

古見

懷 上年值秋戰，操觚擣奇藻。偏工慧龍針，不善修蛾

掃。旁人笑冬烘，而君歌懊惱。可憐乘風鯤，乃類鍛翮鳥。  
蹶躡出都門，抵家剛歲杪。見面雜悲歡，覩縷語難了。片  
帆纔一宿，良晤徒草草。槐夏辱過從，剪蔬酌清醪。耳熱  
發高唱，梁欏音尚繞。歸去未匝月，復著等身稿。花界醜  
醜珍水面，芙蕖好渴逢。鎮心瓜，痒得爬背爪。剔燈百回

讀一一豁懷抱投枕思屬和黃雞忽催曉由來荆棘胸  
何從覓梨棗君才走籍湜我句慚郊島長木所春撞其  
下無不標降旗業高插乘虛毋直搗詩成一踟躕以質  
巖門老

近聞與大阮  
巖門倡和

題曹玉汝扇頭畫

羸驂痛僕走雲根高樹斜陽帶雨昏為爾披圖愁稅駕  
淒迷山寺欲關門

輓日輝山釋明柱

并叙

師楚產墮地未嘗茹葷披薙後徧參諸嶽依臯亭瓊鑿  
上人記前近寺有下院幾椽誅茅設菴二十餘年遂成

宏構常住僧某伐山木自潤已迺跳去師念祖庭蹈藉  
揮涕歷訴當事始得返正然檄揭憔悴示疾竟不起性  
坦率無蔬筍衲子氣與余兄弟交最久於其歿也爲詩  
哭之凡二十韻

彈指驚殘劫斯人劇可傳聲聞嗣古德道器重時賢得  
得江山興依依去住緣虛能常鑒物高在不譚玄憶爾  
擔簷日逢茲草創年塗泥剛半壁架屋祇三椽辛苦捐  
浮笠光明恃老拳五丁驅瓦礫四大布金錢既植千章  
木還開數頃田樓飛空外鐸池長定中蓮檻外臺蓮  
係師手栽夙  
願粗償矣宏規具備焉那堪焦鬢髮復見起戈鋌石鼎

湯騰沸崑岡火曼延宗風行墮地鉅手欲扶天竟挽狂  
瀾倒重教慧日懸隱憂蟠屈曲沈錮痛纏綿花滅優曇  
鉢香消柏子煙塵拋一切幻果證十分圓白露零寒蝶  
清颺咽晚蟬法雲堂幾過存歿淚潸然

半莊師用少陵游何將軍林亭韻爲小園雜咏  
奉和六首

枕漱吾成癖芒屨渡石橋地疑連島嶼身已躡雲霄露  
草文茵濕風荷翠袖招蓬萊原只尺歸路未迢遙  
幽懷冰雪淨相對轉孤清散帙思驅蠹攀條怕惱鶯書  
聲同曼玉詩味似和羹羨爾諸童冠閒陪杖履行



藤危梢欲墮瓜重蔓難支  
雨氣沉平野花光亂曲池  
人生原蝶夢吾樂豈魚知  
坐久思無著南華一卷披

雲散窓齊拓風徐帳屢開  
人情異白水物候過黃梅  
僮喜招涼去客防觸熱來  
簷牙齧捨雨餘溜滴蒼苔

心清通鼻觀飄落戒壇香

隔牆係佛院

日影當空過桐陰特

地涼馴狸行躑躅怪鳥勢昂藏  
爽氣憑欄挹遙山見老蒼

經旬違講席風景更如何  
淡日穿雲薄層陰閣雨多  
驅馳愁失路慷慨願同歌  
月下如開徑門生載酒過

慰廣野病腕八韻

不信光明器

如來作光明拳

偏來異物司

借用揚乎異物贊中係臂語

鳳樓

需造作虎僕漫矯癡翻覆寧隨俗屈伸定有時求醫三

折少琢句八义遲未阻持螯興

君病在右

猶懷逐鹿思

用石勒語

半分計畧減

沈約以手握臂率計月小半分

徑丈勢原奇

得臣手可逞徑丈之勢韋

仲將語

鉅手君無忝老拳我久知何當掉臂過據案看臨

池

### 苦熱寄芥船次半莊師韻

畏日當空炙芰荷練裙狼籍汗紋多祇教陸子情無奈

用陸機苦熱思竹篠飲事

試問劉郎興若何

用劉松逃熱河朔

花露

徐收消肺渴瓦盆促坐怕肩摩火雲不到清涼境美爾

冰肌寄萍蘿

小園雅集半莊師有書招飲阻雨不赴倒押前

韻

驟雨衝開補屋蘿繩牀枯坐病維摩風雲自是無憑者  
飲啄其如有數何二句俱用諺語好會竟同萍梗斷柔情應比

藕絲多當筵幾輩環師座料得更番進卷荷酒鑑名

徐學韓招飲垂裕堂呈半莊師再疊前韻

燒殘樺燭滴銀河笑語當場孰較多座喜酒監糾聖否  
歸防醉尉問誰何量來玉尺無長短度得金針費揣摩  
蚪箭一聲催別去溪頭斜月破煙蘿

同學數子獲雋釀飲館樓次半莊師韻四首

橐鑰宏開衆妙門法輪長轉道長存前身自詡阿羅漢  
稽首人天兩足尊

簾捲輕寒月吐光酒闌燭灺漏聲長年時此會渾難數

屈指酣歌第幾場

數年來同人獲雋類置觴館樓

鸞鳳應致雀羣啾

本母丘倫語

薄俗紛紛此一時解道太清

難滓穢宋郎何處著微詞

時有蜚語故云

一切何能付六觀自憐短翼刺天難曲江轉眼掀桃浪

獨向春風制淚看

錢江舊名曲江明春恩詔開科

查巖門以詩見投次韻奉答

炎歊轉素節颯然來商風鯁生意蕭瑟託跡類賃春菲  
材窘邊幅破衲安可縫平昔怯大敵旗鼓適會逢先生  
萬夫特力獨闢蠶叢經神推鄭元論衡祕王充詩格質  
而秀精氣貫當中曾披賣花詞如遇賣花翁朶雲忽下  
被捧誦敢遽忽健同脫鞴鷹翩疑戲海鴻笑彼世儒陋  
守株歷春冬醯雞欲窺天何異丸泥封然而造化竒彼  
遇此偏窮斯事足發嘅斯理須折衷上客或病跛新婦  
偶乏容縱有釣鰲手綵線難成虹君誠移我情不待曲  
告終平泉古蹟渺尚餘一徑松松逕係八景之一赴茲風月佳  
堤口拏圈蓬留題當快讀俾我啟童蒙

附原作

林居愁執熱濯枝揚天風海雲散霽野午枕驚濤春

小阮示巨製不類搯手縫

蒼林姪屢攜君詩見示

恍從東野對

又若飯顆逢夜讀頗憶孫

頗憶孫三勤夜讀義山句

招隱桂樹叢

懸知萬卷破詎獨一藝充卽論詩思湧彪外窺弼中

異材負不羈善相誰篩翁有懷任落落且寬莫忽忽

語本雍州童謠鳴陰警露鶴避弋摩霄鴻彼鳥感物變依棲

忘秋冬用行苟乘時泝泝亦請封暫思逸人逸弗哭

窮途窮遙指永和堤清遊發幽衷馳峰不見塔煙瘦

惟童容時平湖正開橋卧如偃虹古亭留海眼閱人

幾歲終我欲訪佳境結友援青松邀我二三子促坐  
聯噏蓬延綠葦間權幸毋笑阿蒙

輓居停主人徐鶴亭

已是滄桑劫後身沙明東海恨難伸依棲我似新巢燕  
氣誼君同舊館人賸有寒衾供薄殮憐他少婦泣蕭晨  
紙窓燈火前因在月落空庭一愴神少曾同學

秋日憶衛淇遊粵未歸

嶺嶠千重悵索居荻花秋晚正愁余風清雨洗桄榔樹  
天濶雲垂翡翠廬異地誰堪商即次窮途君肯望吹噓  
相思剛道難離別悔不當時一攬祛

書陳竹貌詩詞行卷後

詞塲柳七兼秦七詩格陳三與魏三好是天然出雕績  
輕雲拖碧水拖藍

逐貓

家無張搏癖闔闔不蓄貓鼠輩漸無愬白日恣輕趨棘  
僮催租獲狸奴環觀闔室多歡呼錦帶玉面好毛骨雕  
梁從此無鼯鼯黃昏飽啖忽跳越牀頭鼠嚙仍啾唧朝  
來竈媪起作炊搖尾突向煙中出主人大笑已復歛無  
功竊祿無過渠須臾輾轆上簷隙隔牆銜過隣家魚隣  
家訾訾雜嘲謔主人面赤聲不作回看臍膊興正豪虎



踞呆愚嚼復嚼呼僮謹責髮上冲乃公耳目被爾蒙物  
之生也從以類薦賢受賞罰亦同爲我曳繩放之野移  
郊罪當無寬假小婢昂頭拍手譁人未返盧貓在瓦便  
思抽刃搯其咽送來獾捉竄屋顛欲留不可揮不去小  
人自古難作緣

歲晚懷巖門

讀書端合窮津涯浙西首數鹽官查初白翁孫巖門老  
紙堆屈曲恣搜爬根柢珠墳與笙典文章秋實兼春華  
辨難直比長頭賈目光睜電張鯨牙屠龍技就不見用  
短歌往往鳴悲笳今春吳山

翠華駐青旗百幅蒸雲霞

恩綸稠疊那勝紀鴻詞未許那枚誇  
編纂盛典須椽筆如先生者茂以加  
中丞好賢勤吐握聘使絡繹來桑麻  
黃鐘大呂獲欣賞細響盡黜箏琵琶  
隸事要歸著作體

湖濱隱隱開仙衙

開館湖上崇文書院

窮塘太史

朱玉階先生

好身手

三千風月攢芳葩縹囊甲乙互勘訂  
擲管肯致毫釐差書成一字千金值  
國門瞪目誰敢譁爾來名士何袞袞  
園冠句屢裝連車驅使故實事稗販  
指揮意匠煩鞭撻鸞鳩強起飛跼跼  
巧作聲呀呀偶然投分甘如醴撒手  
一放嗟搏沙而君豪氣託湖海繫我  
野性同麀麀

所以涉世輒齟齬誰云天也非人耶年時潦倒不得志  
裁紅暈碧羞塗鴉名心入夢未擺脫亂髮垂耳空髮髻  
清芬猥蒙留齒頰癖嗜奚啻耽瘡痂夏抄蒙君以詩寵譽草元亭  
子望不到漫天冰雪河無艇東君屈指迴暖律行當載  
酒隨侯芭不爾吟蓬踐舊約定瓷斟酌平泉茶

百一山房詩集卷四目錄

張貞女詩

并序

詠梅四首

晚眺懷芳谷讀書金粟庵

賀學韓登賢書

書沈歸愚先生楊孝子傳後二首

書桃花扇傳奇後

爲徐佑純題春郊試馬圖

午日溪頭晚歸

題美人罷釣圖

謝德川先生重莅語溪署中話舊

書蕉葉二首柬蒼林

學韓屬題曹芸初秋夜讀書遺照

讀半莊師病中吟賦呈

芳谷以布縷作筆書蠶紙見貽

落花二十律次袁子才先生韻

并引

選拔榜發賀蒼林同客吳山旅館

大雪折竹一枝

梅性喜寒月下以積雪壅盆梅根祝之以詩

覺羅八姑輓詞題素言後

得琴宇秋試捷音柬寄

題江南戴兩如小影二首

并引

秋窗書感四首

問芥船疾二首

病起史廣野過慰

送琴宇北上應禮部試

聞薈林朝考信志喜

西溪蚤春

龍溪僧送茶筍

喜筆賈陸吉人至

述哀示琴宇表弟時弟南宮下第歸

一拳山房作

李端叔至二首

以乾菊寄蒼林

衛淇久客潮州書來多不得志語詩以廣之並勸其歸

紀盜

題施竹田吟稿二首

登黃犢嶺晚過安隱寺

鐵冶嶺酬吳西林過訪時胡二朗汀亦同至

邵思周見顧并詢近狀奉答

以舒明府雲亭蘭藻堂詩還半莊師索杭太史董  
浦嶺南集

舟行翹思道中

雪夜寒甚口占

準夷平定

恩詔肆赦恭頌六韻

題湖上酒樓

百一山房詩集卷四目錄



百一山房詩集卷四

仁和 孫士毅

張貞女詩

八解  
并叙

女家山茶塢字石鼓村沈邇霞子將迨吉沈氏子死女  
聞鑿而哭母慰諭不止登素車逞竟不返居無何爨嫗  
不戒於火女伏柩長號誓與俱燼賴里人犇救柩得出  
時家中人咸攜筐篋走女扶柩去不一顧已颺風忽轉  
火不及內寢諸挈物者失無算獨女所完好似封識者  
聞者嘖嘖稱異云先是女夫之弟無子女日夕禱於祠  
冀有以嗣夫後久之連舉兩姪女喜且泣徐撫膺曰事

畢矣遂卧疾不起計歸沈氏三十載魚肉不御事舅姑  
必誠必敬臨沒猶執姑手勸弗哀含斂時顏色如生

清河有好女幼許東陽氏凶問突如來女心悲不止解一

古井無波瀾何以轉轆轤妾念無二三何以將葦蒲解二

泣血辭阿母阿母不得阻生未識君顏死願依君所解三

爨火胡不戒星星遂燎原呼天感行路昇隴出重軒解四

火近忽反風巾帨無一失回祿亦避嫌不入寡女室解五

爐香日夕祝幸哉叔有兒含辛訴宗老死祔東陽祠解六

身後計已定一夕修示病回首謝尊章未亡人事竟解七

上告采風使下告著述儒母使金石刻遺此冰雪軀解八

詠梅四首

翻翻雲縷靄芳叢姑射仙人下碧空骨相自甘茅舍外  
品題久在玉堂中多煩霜月三更影無那關山一笛風  
等是根株南北異細將寒暖問天工

風過瑤階起玉塵行行索笑又逡巡數枝冷逐梨花夢  
一片香浮竹葉春踏月未能窺色相登樺儘可話酸辛  
而今且莫矜高格溪上天桃各鬪新

老幹槎枒壓釣磯采蘋清瘦傲環肥即論風韻君原絕  
欲擬冰心世恐稀雀啅寒枝和蕊墮蝶穿疎影帶香歸  
西山破曉無來躅雪屋詩人蚤啟扉

翠羽啾啾縞袂涼，籬籬掩冉護新粧。  
曲中月落愁笳管，定裏僧回沁石牀。  
伴爾形神惟水竹，投余臭味有冰霜。  
漫從委地增惆悵，百草還思藉寵光。

晚眺懷芳谷讀書金粟菴

鳴榔歇浦淑晚風，掃市塵冷冷魚山。  
唱不隔湖之澹林，煙莽欲墮惆悵煙中人。

賀學韓登賢書

才望推同里，毛錐竟策勲。  
由來怯小敵，君困童子試十年從此壯全軍。  
餘蔭滋丹桂，藏書埒絳雲。  
鄭門多少士，得路獨輸君。

書沈歸愚先生楊孝子傳後二首

波心蕩瀟海天昏呼籲聲中帶血痕漫道片颿能出險  
孝卿還未定驚魂庾孝卿奉父喪過瞿塘秋水暴漲庾撫心長呼水忽減退與孝子事畧似  
嚙指祈神事可憐倚廬獨處幾經年傷心最是西泠路  
冷雨鴉聲哭墓田

書桃花扇傳奇後

鐵函史筆費研摩殘局蒼黃感慨多四鎮蟲沙空帶礪  
一堂燕雀自笙歌黨魁東漢鈞膺密謂陳定生吳次尾輩狎客南  
朝怨範瑳謂阮大鍼輩賴有菰蘆遺老在暗將清淚滴銅駝

為徐佑純題春郊試馬圖

江南三月春融融，暖絲煙絮颺晴空。匝趁趨碾香陌，叱撥恰暎桃花紅。徐君矯矯人中龍，羞逐款段爭雌雄。惜哉投筆徒嘆喏，吐氣時復干長虹。小隊嬉春偶然耳，衲襦一色如從戎。錦裘繡帽却不御，旁觀孰敢鼓胡隴。匆匆結束偏整暇，頎身玉立依虬松。虎胸彗尾實異產，澗邊洗刷開方瞳。并州健兒控不得，蹴踏昂首驕嘶風。梅村老手出新意，曹韓以後此最工。僕也頻年困鄉里，處仲伏櫪歌聲同。披圖一笑鼻生火，安能齷齪居樊籠。上馬橫槊下露布，書生絕域寧無功。便擬千金買神駿，與君振策盤蟻封。鳴鶻陡作餓鴟叫，同時况有曹景宗。

語溪曹君新  
田館君廳事

午日溪頭晚歸

蒲葉難招楚客魂，歸來茅店酒旗昏。  
江鄉事事多搖落，無復青娥鬧里門。

童時里中水嬉頗盛，晚歸明燈與紅粧相映，今無之矣。

題美人罷釣圖

曲欄乍斂指纖纖，靚影分明落鏡奩。  
珍重釣絲須卷却，防他餘暖被人拈。

謝德川先生重莅語溪署中話舊

玉壘嵯峨錦水清，三年零雨不勝情。  
僊鳧還喜飛雙鳥，小草應憐守一莖。  
郭外壺漿迎父老，花前藜杖撰門生。

底須側席勞咨訪吏治文章久擅名

書蕉葉二首柬蒼林

雪中許共袁安卧研北宜供懷素書只有野人多惱悵  
終朝斂手看君舒

襍被聯牀話素秋荷花亭上短檠幽井梧葉打甘蕉響  
記否西牕一夜愁

學韓屬題曹芸初秋夜讀書遺照

曹係學韓舅

廬陵千載人中豪讀書秋夜風蕭條晦翁一語更得趣  
起弄明月霜天高吾懷此樂嬾未遂晝眠惺惺供譏嘲  
柴關剝啄來好友袖攜玉軸古錦韜題籤恰與前人合



展玩陡覺烟雲繚卷中  
趺坐有靜者兀然似是窮鑄雕  
瘦竹一林潭水活殘燈四壁寒  
蟲號離離桐影漏夜月  
謾謾松蓋鳴秋濤按圖一一爲指點云是渭陽人已遥  
逞時語溪盛文獻世家首數城東曹芸初先生名父子  
詞壇掉鞅推前茅三餘鍵戶理鉛槧萬事掩耳同砥呶  
冥搜乃干造物忌歟焉二豎侵膏阿翁痛定倩好手  
神情要令空中描至竟秋風與秋雨微吟恍惚傳書巢  
我閱斯圖想像久其聲如在魂難招長沙才高本無命  
非關鵬鳥能爲妖蕭艾榮兮蘭芷萎楚些擬作多牢騷  
慨然擲筆發長喟四圍暝色垂簷梢

讀半莊師病中吟賦呈

病裏時然一寸灰江南腸斷賀方回  
甘蕉剝後心還卷古劍埋餘鏹未摧  
儘有散材收大匠豈應國色阻良媒

古詩國色久在室良媒亦生疑

午陰小閣須攤飯豹脚蟲聲晚若雷

芳谷以布縷作筆書蠶紙見貽

妙從枯澁起雲煙彷彿鴻都創體妍  
浮碧殷紅多不稱

直須新造布頭箋

以布頭餘機作箋絕佳見志林

落花二十律次袁子才先生韻

并引

千山綠淨鶻血啼殘三月紅稀馬蹄踏破逐溪風而南  
北託溝水以東西半面魂消艷麗詩吟小宋五更腸斷

淒清句譜冬郎自昔騷人爭傳韻事則有青門館裏藏

白燕之名篇

原韻邵君思周見示

爰於黃絹碑陰附蒼蠅之細響

搓酥滴粉儂自言愁落溷飄茵春原不管拈來片片憑  
叅指上之禪散去空空聊繪鏡中之影云爾

小閣春殘倚暮霞故書堆案任欹斜如何薄命同浮梗  
也學多情賦落花竹院雨聲黏瘦蝶酒樓人散集昏鴉  
風前搖曳渾閒事苦恨飄零未有涯

園花如掃惱蘇州亂點鴛鴦冷瓦溝恩怨定難明皎日  
浮沉猶喜附清流多緣天老春垂老豈爲人愁我始愁  
剛道大家留取看一聲羌笛度高樓

雲霏苦雨偏相攪宛轉芳心強自支淚裏紅羅人不見  
魂依青塚月應知從來福命憎他蚤此去風波悔已遲  
十二闌干憑欲徧忍看憔悴一枝枝

日暖鶯梭織上林繁華瞥眼又銷沉妖紅曾識崔郎面  
老綠空辜杜牧心苑內添毫無復辨館中滿地有清音  
春來何限淒涼意瘦骨支離轉不禁

淋鈴曲譜雨聲潺馬首香囊葬阿環休惹游絲牽意緒  
好隨明月落關山病添佳節芳菲後春減踈枝慘澹間  
臨別似曾留一語道傍從此不須攀

活色生香絕可憐那堪離緒動經年夢回翠被濺紅淚

舞罷輕綃裊碧煙禪語大乘同幻影因留小果證人天  
榮枯我亦平情者每到春歸輒黯然

風過斑斑竹淚香恍疑雲氣暗三湘冷隨燕影浮春浪  
細逐楊花糝夕陽漫訝芳姿汗糞土曾看老幹歷冰霜  
擬將步障重重護只恐勾留更斷腸

似爾身輕合築臺留仙無計也堪哀鶯尋新綠穿林出  
蝶戀殘紅帶雨來不信馨香偏有數敢從漂泊再論才  
人間要路知多少獨與閒門伴翠苔

颺罷春寒力漸微多情何處點朝衣牡丹亭下端端去  
燕子樓頭盼盼歸日暮并愁榆莢盡天涯又見柳綿稀

生來未肯輕磨折故向筵前作意飛

惜花怕聽賣錫簫不斷春愁類海潮蜂簇偶然棲弱草  
鳳銜倘可到層霄鈿車碾後香成陌瑤島歸時玉作橋  
一望錦裯吾亦愛衝泥爭奈兩才騷

珠箔銀牀夢裏驚  
臙脂狼籍曉風輕  
全身欲墮心還顫  
半面纔通目已成  
此日空勞金谷宴  
明年莫負曲江行  
討春人去重回首  
溪上新添綠漲平

綠楊堤畔舞毵毵  
卷起紅英漾碧潭  
薄霧乍迷村遠近  
旋風偏遶水東南  
笠簷香重依稀壓  
屐齒春濃次第含  
不向沈寥和露種  
任他開落總難堪

花源底用指漁翁短棹重過境已空一縷冰心飄研北  
幾番鉛淚落墻東清狂似我宜搖蕩爛漫如君也厄窮  
更問青青枝上葉不知何計避秋風

傷春鎮日飲亡何入骨相思近最多巫女登臺仍作雨  
洛妃剗鞮慣凌波孽緣徒幻非非想短景時翻踏踏歌  
可是風流應獲譴歷來殘劫比恒河

芳草依依牽客思彩霞片片散春寒不嫌天末尖風妒  
却怪人間冷眼看煙破一犁埋骨易香吹十里返魂難  
知君雖離浮埃外點檢初心未肯安

微笑何須問世尊詩翁愁對浣花村珠拋判與蠃填穴

玉碎羞將獺補痕乍散似傳天女意半留還戀主人恩  
呼童掃却原無奈一徑斜陽靜掩門

淡粧微抹鞦韆川圖呼雨呼晴聽鷓鴣黛綠叢中追昔款  
軟紅堆裏悟迷塗捲簾坐久苔痕沒繞樹吟寒酒伴孤  
聞說六橋春去也衣香鬢影在西湖

風姿林下最超羣不奈辭條影忽分擘作彩箋翻好樣  
剪殘錦段亂迴文幽禽出谷啼朝露仙犬沿籬吠暮雲  
怪底年年添別恨別君不恨恨逢君

自是東風作厲階錦城一霎好音垂遽遽斷送林間夢  
緩緩兜回陌上鞦韆幻比素娥思入月輕同紫燕欲投懷



情癡引蔓難艾雜憑仗尊前酒似淮

寂寥君已證三身鏡水空明自寫真  
秦苑曉粧遺粉澤石家殘步印香塵  
乾坤不少惜騰事風月終歸蘊藉人  
遮莫楚歌稱絕調媿無白雪和陽春

選拔榜發賀蒼林同客吳山旅館

淡墨標題一色鮮也同天上舞羣仙  
宏文久擬三千牘鉅典剛逢十二年  
此去選場欣鶴和自來名士必蟬聯  
對牀我是聞雞伴憔悴羞看祖逖鞭

大雪折竹一枝

重陰淅淅玉塵灑童子挑蔬足沒踝  
此君特立亦健者

橫梢打落檐前瓦根株雖已摧直節故不回譬如志士  
身可殺浩然之氣凌九垓君不見垂楊踈地偏耐雪雪  
壓風歆終不折

梅性喜寒月下以積雪壅盆梅根祝之以詩

冰雪重重與護持離離踈影動涼颺屬君長養休愆候  
恐被桃三李四嗤

覺羅八姑輓詞題素言後

淡泊襟懷清淨身起居敬侍太夫人揮絃不作箏琶響  
流水高山自寫真

花間蝴蝶草間蟲

集中句

業海茫茫慧眼空蕭艾偏肥蘭

芷瘦年年杜宇哭春風

冰魂合與建靈祠百尺豐碑又一時爾後畏吾村口樹

青青多化女貞枝

令兄雅大中丞  
爲卜兆畏吾村

得琴宇秋試捷音柬寄

余生甫韶齒頗亦稱蚤慧讀書下數行輒復及制藝君  
時騎竹馬繡襦盤兩髻劣虎與優龍嬉戲繞庭砌束髮  
理鉛槧鑽研見精銳後來竟居上微名爲所蔽謬謂不  
如卿溫郎肯設誓

借用北齊  
孫搴事

自顧漸頽放鈍金資確厲

君乃過貶損商畧到纖細日者槐花黃秋賦向有例橐  
筆扣茅齋邀余辨雙扉五度踏名場此役吾自媿旅舍

燈荧荧風簷星嘒嘒君意方蓬勃而我轉憔悴

時余力疾赴試

連牀互示稿奇才寔罕儷陰陽鑄洪爐水火成既濟

君首

藝以陰陽水火分  
疏極爲主司稱賞

立言務去陳冥心出孤詣逢人便呼

詫愛極翻似忌昨朝榜賢書萬口交騰沸文章屬有命  
斯言徒負氣誅蕩天門開得路看次第跛鼈逐驂騮難  
以道里計中表荷兄事勗哉望予李家慶孰如君堂上  
顏正粹功名要及時攬衣搵殘淚

題江南戴兩如小影二首

弁引

溪風山雨酌荀鶴之瓦甌菰米尊羹調季鷹之鱸膾從  
來名士多託煙波亦有畸人愛攜蓑笠一朝而五十餘

席手眼原超

漢戴憑事

片刻而四十九枚絲綸畧展爾乃駕

去琴高之鯉釣罷李白之鼉聽流水以移情坐平沙而

覓句神如宏冶不數凝脂髯似茂先何煩纏帛帽胡然

而落大有風吹竿奚事而收行逢夢卜此日圖成魚樂

明戴文進有魚樂圖

君且與我周旋他年譜作樵歌我欲同君問

答

木落西風水國寒攜將苓箸伴漁竿鑑湖煙雨桐江月

都是前身舊釣灘

芒針已引華亭谷蒟笠還拋薛澱湖他日訪君搦細漿

夕陽沙步一招呼

秋窓書感四首

秋草依然妒故袍，清歌無賴到醇醪。  
任他七氏酣三鬼，不礙劉家薄二豪。  
盛事幾曾同挂壁，菲材何敢恨吹毛。  
只愁花樣番番換，長使深閨費剪刀。

蟻路千盤莽未央，看朱成碧意回皇。  
老奴妄欲婚嬌女，新婦端應惱小郎。  
望去有漿懸北斗，興來無炙慰東堂。  
弦聲霹靂驚秋獵，天末哀鴻感故瘡。

三十功名未足奇，有人破賊豎紅旗。  
賣文不壯妻孥色，使酒空遭故舊疑。  
仰看屋梁判畫虎，細攤年甲怕鑽龜。  
繩牀襍被頽唐甚，一夜西風鼓角悲。

秋水寒鉉枉自磨年年腕底走生鼉舌雖在口能言否  
壯已輸人奈老何作賦總誇麟角杖談元盡著虎皮鞋  
分明一局棋爭劫應悔從前落子多

問芥船疾二首

底事纏綿病偏於蘊藉人擔宜委子弟藥恐悞君臣雅  
集丹青在謂十友圖新詩感慨頻菀枯由造化此語要書紳

入室稱高足騷壇譽早馳我慚梅未熟爾喜米經篩因  
積良由想謀多轉蓄疑前村風日好去去逐駭癡

君多思慮  
云故

病起史廣野過慰

磨蝎身官最不堪感君清話淚同含詩名通國譏陽五  
心事終朝說韋聲上三豈有英雄藏草澤可禁搖落向江  
潭臯盧一擲豪猶在只恐當場面目慚

送琴宇北上應禮部試

酒薄香銷唱渭城夜涼耿耿別愁生時餞別謙六堂踈頑於世

真疣贅痛癢如君始弟兄五字河梁催落日一番霜雪

撲前旌看花倘憶狂夫語小立徐聽上苑鶯送余贈君詩有春風

上苑聽啼鶯之句

聞蓆林朝考信志喜名列第三

逸足如君乍躡風天衢聲價正隆隆好將綵筆簪三



殿定有新詞播六宮草色難欺袍影綠  
檠花忽燦酒鱗紅底須捧檄追毛義  
此日娛親已不同

半莊師卧疾得捷音即起

西溪蚤春

破曉罷清盥釣絲攜一縷漁舟紛港汊  
林煙翳復吐髡柳未抽條渚禽相對舞  
繁雲罨不歸散作西溪雨

龍溪僧送茶筍

履綦兩載別龍溪節物多勞手重攜  
雀舌山茶封白絹貓頭春筍帶黃泥  
六斑與醒劉郎酒一味真充段老齏

蠻旣志劉禹錫乞白樂天六斑茶解

却恐阿師投硬話好叅玉版問端倪

酒高士傳段干木家貧惟筍一味初似叅禪逢硬話周必大謝人送茶句

喜筆賈陸吉人至

老秃嘲難解吾軍久不張陸倕貽一束懷餅到曹倉

述哀示琴宇表弟時弟南宮下第歸

執手憐余瘦含辛罷舉杯春暉無可報風木有餘哀淚  
續三年血除先嚴服未久心寒一寸灰君歸非得意猶及慰泉

臺

去秋得君捷音母喜特甚

一拳山房作

曳履竹籬下脩然辟市囂一弓行藥地十笏看經寮  
樹儼如畫甍琴久不調呼僮汲井水翠釜煮煙苗

李端叔至二首

蒼茫平楚靄朝烟  
小別西泠又一年  
賦罷長楊游已倦  
不妨且纜上湖船

莫笑蝸廬類隱淪  
仲翔骨相本來屯  
期君暫洗黃塵脚  
同采秋江雉尾蓴

以乾菊寄簷林

敗荷亂秋渚  
西風攪茅廬  
治藩倏已綻  
燦燦黃金如  
沿籬穿麂眼  
糝徑傍犁鋤

野人于畝澮旁多植之

幽人宜服食  
采采

同園蔬焙以溫磨  
火裏用青霞裾  
斲甌配露薜  
風味嗤

琴魚

江南人以琴魚點茶

我思在遠道  
軟紅策蹇驢  
茂才列異等

不得登石渠  
尺書訴別苦  
吟詩忍饑餉  
迢迢數千里  
何

以表區區京國土云燥霜葩種應疎緘封託驛使幸弗  
疑苞苴蚤植乃晚發北望重踟躇

蚤植晚發本  
鍾會菊賦

衛淇久客潮州書來多不得志語詩以廣之並  
勸其歸二首

天涯望斷一沾巾幾載韓山入夢頻漫道懷才招世忌  
忌才人是愛才人

南田巖洞恣奇觀菽水登盤怕減懽書到曲江規令弟

山川雖好莫凭闌

君具慶在堂令弟  
亦行役曲江故及

紀盜

短檠滴雨憺無豫曲彙牀中正擁絮紈如街鼓聲乍停

探丸暴客來何遽重垣立毀更打門  
蓬蠹簇蟻屯不知數列炬儼張太乙軍  
吐氣便播蚩尤霧罽巾裹首足妖芒  
櫛具橫腰森武庫指揮何曾及戴淵  
劫畧居然學興霸博故自言  
五步能殺人京兆聞名不敢捕主人縮伏如  
凍鷺目眙口噤足僵踣子敬空留座上  
檀仲容并乏竿頭袴戍卒蒼黃却不前一  
任羣呼整暇去逸者漸遠追者驕故作  
虛聲驚里嫗當途錯愕立限程從事遷  
延終負固維虎有俚雉有媒毋迺奸胥  
實調護鼎湖萬竈埒通都吁嗟村落那可  
住側聞西北方治兵光祿塞邊稽首附遐  
荒之寇盡掃除却怪門庭滋隱蠹捷書旦  
夕報

神州草澤豈容仍嘯聚  
星星之火涓涓泉不憂一家憂  
一路擬排闥闔叫九閭轉喉恐觸長官怒

題施竹田吟稿二首

吟箋觸手費推排一卷長攜舊雨齋  
不是君身有仙骨那能詩格類枯柴

西冷好手推樊榭狎主盟壇有穆門二  
老墳頭悲宿草風流猶幸竹田存

登黃犢嶺晚過安隱寺

地重邱高士登臨歲月違風聲迴斷塔  
帆影入斜暉古寺紅墻亞清泉白石圍  
踟躕梅信度欲附釣船歸

鐵冶嶺酬吳西林過訪時胡二朗汀亦同至

雨後山山走百泉一重樓閣一重煙瘦筇忽挾白雲墮

疑是此間鐵遂僊

揚廉夫居此因自號鐵匠

經義同推井大春楞迦妙諦轉金輪

是夕君談禪旨甚晰

鈍根正

要君提省儂是天涯住劫人

余以被盜寓嶺頭

漏盡香殘燭影偏朗汀譚藝亦蟬聯買隣擬卜清漳宅

恨失匱中十萬錢

邵思周見顧并詢近狀奉答

故侯奕葉見清裁直慰窮愁踐草萊遠道人迷三里霧

時方被盜遣人至省未回

前溪屋折一聲雷

民居十餘戶同時壓折亦異事也

擬從

巖老收殘局怕向昆明認劫灰爲爾捲簾墻角看滄桑  
不到小飛來

以舒明府雲亭蘭藻堂詩還半莊師索抗太史

堇浦嶺南集

仲夏謁講幃環堦凍雨漲妙音一以宣熱惱歛然坐  
几列芳帙咀噍悉高唱恍披六銖衣更坐九華帳古香  
闕蘭藻蕭疎越塵埃乞歸置懷袖出入相依傍吾郡號  
多才誰歟堪頡頏惟抗厲施周趾跋稱輩行穆門既云  
殂樊榭羗又喪竹田舊雨齋屹立挽頽浪堇浦著作繁  
一斑窺方鏡

叶居亮切查蓮坡集載  
先生方鏡詩餘未曾見

故人汀住橫塘新



編遠見餉云是嶺南詩摩挲神忽王褐夫懼懷寶旋復  
撒手放長衢走急足名材貢大匠匹如得俊味先以食  
長上距今已匝月銜之終弗忘夙慕太史文北斗衆皆  
仰蓬萊領羣仙幽燕推老將行滕事遠游煙雨雜蠻瘴  
詼嘲鬼子糕斟酌蟻子醬異才揚天葩家家設屏障屈  
五或比肩梁陳那敢抗歸裝添陸賈得句獨竒翫醫余  
實恨人侘傺需滌盪時逢善本書吟情聊一壯舒集久  
羈絆臨別還悒怏返壁更一瓶開鎖竊所望

舟行翹思道中

衝寒理煙櫂隔竹響野碓溪樹修疎密攤書乍明晦風

過蕩微溫日丸炙蓬背

雪夜寒甚口占

薄酒怯遙夜寒燈耿獨眠長安有貧者此意感前賢蘇  
窖神原王袁廬骨更堅竒溫吾敢過爲退一重綿

準夷平定

恩詔肆赦恭頌六韻

薄伐師原壯蠹茲敢不庭窮荒瞻日月甘澤兆雷霆地  
靖居延塞天明貫索星金雞剛煥彩青雀最通靈一面  
開仁網三旬協帝奠

赦行五百里月徧  
三十奠昌黎句

更聞嚴巨慝秋

肅總祥刑

題湖上酒樓

花醉鶯癡二月餘  
青帘風過罨香車  
小樓蝦菜無虛席  
閒煞東鄰五柳居

百一山房詩集卷四